

神

爻

經

綸

神灸經綸卷之四

古歎吳亦鼎硯丞編輯

手足證畧

手足爲諸陽之本陽之氣主動以應天經曰天有十日人有手十指以應之天有十二行人有足十指莖垂以應之又曰足受血而能步掌受血而能握指受血而能攝故凡人之日用動作無不藉力於手足血氣盛者則健舉輕便血氣衰者則委頓沉重其中於病也或傷于風或傷於寒或傷于濕所傷之因有不同而手足上下之病亦有異經云風爲百病之長其變無常濕留關節令人四肢不仁風

邪從陽而親上濕邪從陰而親下推陰寒之氣挾風濕而來因人之虛隙以乘之上下中外無定處故寒氣積而不渴則溫氣去血凝濁脈不通手足爲之挛痛經所謂冬氣滿在四肢是也又肺心有邪其氣留於兩肘肝有邪其氣留於兩股脾有邪其氣留於兩髀腎有邪其氣留於兩膝此五臟有邪留爲手足之病而其要皆統于脾蓋脾主四肢脾脉太過爲病在外則令人四肢不舉脾藏在體爲肉形不足則四肢不用此可以驗脾之虛實而知手足致病之大畧也

一臂痛人皆謂風寒襲臂而然不知邪之所奏其氣必虛

宜分別經絡而治之先令病者以兩手伸直其臂貼身  
垂下大指居前小指居後其臂臑之前廉痛者屬陽明  
經後廉痛者屬太陽經外廉痛者屬少陽經內廉痛者  
屬厥陰經內前廉痛者屬太陰經內後廉痛者屬少陰  
經視其何經受病按經取穴以行灸法庶無南轍北轍  
之誤若手腫痛或指掌連臂膊痛謂之手氣或臂痛不  
舉或遍毒仆傷皆是氣血凝滯臂連肩背瘦痛兩手軟  
痺由痰飲流入四肢又有血不榮筋而致臂痛者當養  
其血痛自止也又血燥筋挛遇寒則劇此肝氣虛弱風  
寒客于經絡故也若手足拘挛麻木又爲脾肺氣虧濕

卷之三  
邪不化以致此耳

一痺之爲言閉也經云風寒濕三氣雜至合而爲痺其風氣勝者爲行痺寒氣勝者爲痛痺濕氣勝者爲着痺其有筋脉肌皮骨五痺之目以明春夏四季秋冬五氣之所感受各主一臟也非三氣之外又別有此五症也所謂行痺者痛無定處俗名鬼箭風又名流火古云歷節風又曰白虎歷節風晝則靜夜則動其痛徹骨如虎噏之狀風痺痛有定處或四肢拘挛關節疼痛名曰痛風着痺者麻木不仁素問云營氣虛則不仁衛氣虛則不用營衛俱虛則不仁且不用靈樞曰衛氣不行則爲麻

木東垣宗之以麻痺之症必補衛氣而行之景岳云治  
痺之法祇峻補其陰宣通脈絡不宜過用風燥之劑亦  
內經之旨也又風痺流行上中下三部乘人臟腑之虛  
與血氣相搏聚於關節而作痛若腿腳生瘡渾身搔癢  
是其人本血虛因風濕傷脾脾主肌肉肌肉腠理爲邪  
壅閉不得宣達而作癰此二者專主風濕而言然又有  
冷痺熱痺疫痺血痺胸痺胞痺腸痺周痺當詳症脉分  
別治之要不外劉李二氏所論一以攻邪爲主邪去則  
正氣自安一以補正爲要正復則邪氣自却當攻當補  
在執經者善行其權也

一腿久風憎寒發熱或筋挛腫痛當陰股拘間足厥陰之  
脈上腘內廉循股陰入毛中人有鬱怒肝氣積而不行  
下注于腿久而作痛或風寒內犯肝腎陽氣留止亦有  
此症人多以爲濕熱下流是知其一而不知其二也

一鶴膝風兩膝腫大脈枯細象如鶴膝之形俗謂之鼓  
槌風總不過風寒濕三氣之爲病然腫痛必有邪滯枯  
相者必因血虛初起可用葱熨消法久宜養氣滋血爲  
主再視其外症何如兼治之可也

一足發熱多屬陰虛如腎水虧耗脛膝痠軟而足熱肝血  
不足筋脉隱痛而足熱脾陽下陷腹脹腿痠而足熱虛

勞之人每有此症然亦有濕熱下注壅遏營衛常行之道兩不相下其氣蒸騰而發熱是又不可視爲陰虛而一例治之也

一腳氣之疾東垣謂實水濕之所爲也初竟卽灸患處二三十壯以道引濕氣外出遂不至成大患按古無是名稱自晉蘇敬始其頑麻腫痛者卽經所謂瘻厥也瘻軟不收者卽經所謂癰厥也其衝心者卽經所謂厥逆也自東垣發寒濕濕熱之論後李泥之遂成南北二派不知人在氣交之中正變邪感何地不然非南人不患北病北人不患南病也在善治者察明經絡所起復審六

氣中何氣當之如病者頭痛目眩項強腰脊身體經絡  
外踝之後循京骨至小指外皆痛太陽經症也如翕翕  
寒熱呻欠口鼻乾腹脹脾膝膩中循脇外廉下足跗入  
中指內間皆痛陽明經症也如口苦上喘脇痛面垢体  
無光澤頭目痛缺盆并腋下如馬刀腫自汗振寒發熱  
胸中脇肋髀膝外至脰絕骨外踝及諸節指皆痛少陽  
經症也如腹滿夾咽連舌系急胸膈痞滿循脰骨下股  
脰內前廉內踝過核骨後連足大指之端內側皆痛太  
陰經症也如腰脊痛小指之下連足心循內踝入跟中  
上腨內出觸中內廉股內皆痛上冲胸咽饑不能食而


黑小便淋閉欬唾不已善恐心惕惕如人將捕之小腹  
不仁者難治此少陰經症也如腰脇偏疼從足大指連  
足趺上廉上腮至內廉循股環陰抵小腹夾臍諸處脹  
痛兩脚牽急嗌乾咽逆洞泄厥陰經症也以上六經各  
隨其氣所勝者而調之庶無有悞

一瘡症又名軟風手足瘻軟而無力百節緩縱而不收經  
分五藏之熱名病其所屬皮筋筋肉骨五痿是也肺熱  
葉焦則皮毛虛弱急薄着則生瘻躉心氣熱則下脉厥  
而上上則下脉虛虛則生脉瘻肝氣熱則胆泄口苦筋  
膜乾筋膜乾則筋急而牽發爲筋痿脾氣熱則乾而渴

肌肉不仁發爲肉痺腎氣熱則腰脊不舉骨枯而髓減  
發爲骨痺此五痺者經從臟氣所要者各舉其一以爲  
例會而通之則五勞五志六淫盡得成五臟之熱以爲  
瘧也丹溪會合經旨謂渴南方則肺金清而東方不實  
何脾傷之有補北方則心火降而西方不虛何肺熱之  
有誠爲治瘧之大法又諸瘧之病未有不因陽明虛而  
得者治瘧獨取陽明確有真見外此無餘義矣

一轉筋病仲景謂其臂腳直脉上下行微弦足太陽之下  
血氣皆少則善轉筋踵下痛又云諸筋者皆屬於節又  
云肝血虛筋無所養轉結而痛此與傷寒異也夫傷寒

霍亂者其本在於陽明胃經也陰陽反戾清濁相干上下相離營衛不能相維故轉筋掣痛經絡亂行暴熱吐瀉中焦衛氣所主也有從標而得之者有從本而得之者有從標本而得之者六經之變治各不同察其脈色知犯何經隨經標本各施其治則擾亂反正之功可收效於須臾之頃也



手足證治

肩臂冷痛 凡人肩臂冷痛者每遇風寒肩上多冷或日須熱手撫摩夜須多被擁蓋庶可支持此以陽氣不足氣血衰弱而然若不預爲之治恐中風不遂等症由此而成也須灸肩髃二穴方免此患蓋肩係兩手之安否環跳係兩足之安否此不可不灸輕者七壯風寒甚者十四壯或分二三次報之但不可過多恐臂細也若灸環跳則四五十壯無害

又法灸膏肓 肩井

臂痛不舉

肩井

肩髃

曲池

淵液

曲澤

臂肘掣痛

後溪

項強肘痛

大淵

手腕痛

陽谷

手膊痛

手臂紅腫

液門

中渚

受濕手足拘挾

曲池

尺澤

腕骨

外關

中渚

五虎

在手食指無名指背間本節前骨尖上各一穴握拳取之主治手指拘挾

臂腕五指疼痛

腕骨

支正

四肢麻戰踰舉

中渚

五痺

曲池

外關

中渚

膏肓

合谷

肩髃

肩井

上中下三部痺痛

足三里

冷痺

陽陵泉

足痺不仁

腰俞

懸鍾 湿痺趾疼同治

手背癰毒

中渚

渾身搔癢麻痺

風市

懸鍾

腿久風

腎俞

環跳

陽陵泉

懸鐘

崑崙

膝風腫痛

足三里

陽陵泉

陰陵泉

太衝

崑崙

足發熱

湧泉

然谷

膝脛冷痛

曲泉

厲兌

膝臍腫痛

厲兌 此穴合隱白治夢魔

腳氣 忽覺有蟲自足心行至腰中卽暈絕久方甦醒此

真腳氣也初覺卽宜灸

足三里

懸鍾

絕谷

風市

肩井

陽陵泉

陽輔

崑崙

照海

太衝

白虎厯節風

風市 此穴在膝上七寸外側兩筋間 又法令正身平立直隨兩手着腿當中指頭盡處陷中是穴灸三五壯

足轉筋

陽陵泉

承山

邱墟

三陰交

照海

腳踝

內筋急灸內踝四十壯  
外筋急灸外踝四十壯

脛膝冷痺鶴膝風

陽陵泉

環跳

風市

濕痛兩腿瘡癩

血海

寒濕筋掣疼痛

環跳

風市

痙症

神灸經綸

卷四 鴟膝風 痿瘓 筋掣  
足內瘻 足底瘻 瘰癩 手瘻

湧泉

陰谷

陽輔

足內廉腫痛

脣井

三陰交

大敦

足腕腫痛

解谿

邱墟

寒濕脚瘡

取足跗上三寸許足腕正中陷處是穴灸七壯神效此

穴當卽是解谿穴

照海

手足逆冷

大都

仆傷肘背痛

肩井

陽池

足膚腫不得履地

崑崙



二陰症畧

夫二陰者所以通水道傳糟粕爲地道之要會也經曰濁陰出下竅下竅者下焦之竅也凡人飲食入胃其精氣先輸脾歸肺上行春夏之令以滋養周身乃清氣爲天者也升已而下輸膀胱行秋冬之令爲傳化糟粕轉味而出乃濁陰爲地者也人能順四時之氣起居有時以避寒暑飲食有節及不暴喜怒以順神志常欲四時均平而無偏勝則安不然外感六氣之淫內動五志之火則大小便不通或不禁遺精濁滯諸淋痔瘡之症作矣分列各條于後

一夢遺精滑丹溪分爲二症謂夢與鬼交爲夢遺不因夢感而自遺者爲精滑其實總爲一遺精也戴氏云遺精得之有四有用心過度心不攝腎以致失精者有因思色欲不遂致精失位輸瀉而出者有色欲太過滑泄不禁者有年壯氣盛久無色欲精氣溼洩者其所由不同其狀亦不一也考古治夢遺方屬鬱滯者居大半是又不專主於固澀也如果腎虛精滑宜治以補澀若屬鬱滯宜治以通利如濕熱內蘊當從脾胃酌治如慾火大熾思想無窮當從心治醫家大法總不外此數者審而用之可也

一白濁之症經所謂思想無窮入房太甚發爲白濁又脾移熱於腎出自二者皆隨洩而下也又有濕痰流注者有胃中濁氣下流滲入膀胱者丹溪謂赤濁者爲心虛有熱由思慮而得之白濁者爲腎虛有寒因嗜慾而得之又曰赤屬血因小腸屬火故也白屬氣由大腸屬金故也靈樞謂中氣不足溲便爲之变必先補中氣使升舉之而後分其臟腑氣血赤白虛實以治方得經旨

一精冷無子何以明之有稟受先天北方寒水之氣腎臍常冷而不溫雖當壯盛之年亦隨肝陽鼓動而施泄然氣體本寒如春行冬令萬物不得遂其生此不可以法

治有勞傷少陰之臟真陽失守寒氣留止所藏之精故無冲和生化之氣可用矣法以散寒助緩則陽施陰化自得其平易曰男女構精萬物化生男女者乾坤之道也乾以中爻之坤而成坎坤以中爻之乾而成離坎爲水離爲火水中得火而既濟之象成焉若火獨爻上水獨潤下水火不交則爲未濟何生化之有靈樞曰兩神相搏合而成形常先身生是謂精精冷者腎氣虛寒也一淋症大綱有二一曰濕脾受積濕之氣小便黃赤甚則淋一曰熱風火鬱於上而熱其病淋是也分而言之有石淋小便下如沙石有勞淋勞倦卽發有血淋心主血

氣通小腸熱甚則搏於血脉血得熱則流行入胞中與  
溲俱下有膏淋肥液若脂膏又名肉淋有氣淋胞內氣  
脹小腹滿出少善數尿有餘瀝有冷淋冷氣客於下焦  
邪正交爭滿于胞內水道不宣先寒戰然後便數成淋  
李者能識其大綱悉其條目淋之爲病無遁情矣又有  
胞痺者經云小腹膀胱按之內痛若沃以湯溫於小便  
上爲清涕此因風寒濕邪氣客於胞中則氣不能化出  
故胞滿而水道不通症似淋而非淋也

一二便之病皆由於氣邪氣實則秘塞不通正氣虛則遺  
泄不攝如大便秘者有風秘冷秘氣秘熱秘有老人津

液乾燥及婦人分產亡血或發汗利小便病後氣血未復皆能作秘潔古云藏府之秘不可一槩治療仲景云脉有陽結陰結者其脈浮數而能食不大便者陽結也脉沉遲而不能食身体重大便反硬陰結也東垣云陽結者散之陰結者熱之如腹中積痛亦陰結也故炙法爲宜小便不通者東垣云皆邪熱爲病分在血在氣而治之如渴而不利者熱在上焦肺分不渴而小便不通者熱在下焦血分內經云無陽則陰無以生無陰則陽無以化又云膀胱者州都之官津液藏馬氣化則能出矣丹溪用吐法以提其氣氣升則水自降亦取其氣化

而已又三焦者決瀆之官水液出焉灸家治小便不利但取三焦穴不取膀胱也遺尿者心腎氣虛陽氣衰冷致令膀胱失傳送之度溺出不自竟也經云膀胱不約爲遺溺又謂督脈生病肝所生病皆遺溺以二經循陰器繫廷孔病則營衛不至氣血勞劣莫能約束水道之竅故遺失不禁也若遺溺偏墜乃肝腎之病也尿血精出又兼心肺之症總之二便爲病多由脾胃不能轉輸寒熱虛實臟腑相干各有所因宜考諸明論而細爲分辨也

一痴病睂丸脹痛及少腹足厥陰經之病也經云任脈爲

病男子內結七疝女子帶下瘕聚又督脈生病從少腹上冲心而痛不得前後爲衝疝又曰脾傳之腎病名曰疝瘕又三陽爲病發寒熱其傳爲瘕疝又邪客于足厥陰之絡令人卒疝暴痛靈樞曰足陽明之筋痛爲癰疝腹筋急足太陰之筋病陰器紐痛下引臍兩脇痛足厥陰之筋病陰器不用此靈素言疝各從諸經脈所生張仲景言皆由寒邪得之後人更立七疝之名曰寒水筋血氣狐癲是也分言病狀各立方主治可謂詳且盡矣然此統言兩丸俱病又有偏一者不可不明夫人有兩腎其左腎屬水水爲血屬統納左之血者肝木之職故

諸寒收引則血泣所以寒血從而歸肝下注于左丸其右腎屬火火爲氣屬統納右之氣者肺金之職故諸氣橫鬱則濕聚所以濕氣從而歸肺下注于右丸且畢丸所絡之筋非盡由厥陰而太陰陽明之筋亦入絡也常見人偏患于左者則痛多腫少偏于右者則痛少腫多此其驗也

一前陰痛經云太陰司天濕氣下臨腎氣上從陰痿氣衰而不舉陰痿者皆耗散過度傷于肝筋所致經謂足厥陰之經其病傷于內則陰痿不起是也又云足厥陰之筋傷于熱則縱挺不收傷于寒則陰縮入治在行水清

陰氣是也。莖中痛者是厥陰經氣滯或寒濕凝聚或濕熱下注或血虛脹痛或氣虛隱痛當視其所以而觀其所由若病淋作痛又當別論。

一痔漏多由酒色過度濕熱充乎臟腑溢于經絡下墜穀道之左右衝突爲痔久不瘥變爲漏也內經所謂因而飽食經脈橫解腸澼爲痔又謂少陰之復爲痔又督脈生病瘻痔巢氏有五痔之論謂肛邊生鼠突在外時時出膿血牡痔也肛邊腫生瘻而出血者牝痔也肛邊生瘻痒而復痛出血者脉痔也肛邊腫核痛發寒熱而出血者腸痔也因便而清血隨出者血痔也又有酒痔。

肛邊生瘡亦有血出有氣痔大便難而血出肛亦出外  
良久不收諸痔皆由氣血勞損久成痔漏至若潰出黃  
水則又爲濕熱矣更宜於東垣方論求之 秘傳痔漏

隔磬灸法皂磬一斤用新瓦一片兩頭用泥作一壩先  
以香油刷瓦上焙乾却以皂磬置瓦上煅枯爲末穿山  
甲一錢入紫錦內煅存性爲末木鱉子亦如前法煅過  
取末二錢五分乳香没藥各一錢五分另研右藥和勻  
冷水調量大小作餅子貼瘡上用艾炷灸三四壯灸畢  
就用熏洗藥先熏後洗日六三五日後如前法再灸以  
瘥爲度 熏洗方皂磬如前製過約手規二把知母末

一兩貝母末一兩葱七莖先用水煎葱三四沸傾入瓶內再入煎藥令患者坐瓶口上熏之待水溫傾一半洗患處留一半俟再灸復熱熏洗以瘥爲度

一脫肛症久利產婦小兒老人多有此疾產婦用力過度久利氣血下陷小兒氣血未充老人氣血已衰故肛易出不得約束禁固也肛門爲大腸之候肺與大腸相爲表裏肺臟蘊熱則閉氣虛則脫當審其因以治之

二陰症治

裏遺精滑鬼交

春秋冬三時可灸

青盲

腎俞炎隨年壯

命門遺精不禁五壯立效

白環俞

中極

三陰交

中封

然谷

三里

開元

氣海

大赫

精宮

丹田

失精腰腫冷痛

曲泉

白濁

脾俞

小腸俞

氣海

章門

關元

中極

精冷無子

腎俞

淋痛

列缺

中封

腎俞

肝俞

脾俞

腎俞

氣海

石門 血淋

間使 能攝心包  
之血

三陰交

勞 淋

復溜 血淋

湧泉 血淋

尿血精出

列缺

遺尿偏墜

少府

小便不通利

三焦俞

小腸俞

三陰交

中極

兼腹痛

中封

太衝

至陰

大小便不通

大腸俞

膀胱俞

大便秘結腹中積痛

章門

巨闕

太白

支溝

照海

大都

神關卽臍中用包豆爲餅填入臍中灸三五壯

小便失禁

氣海

兼小兒遺尿

開元

陰陵泉

大敦

行間

大腸下氣

百會

胞痺 小腹膀胱按之內痛若沃以湯溫於小便上爲清

涕脈宜大而實忌虛小而滯

三陰交

疝氣

大敦

肩井

瘡  
疝

章門

氣海

歸來

衝門

關元

主瘡疝偏  
大灸百壯

帶脈

會陰

三陰交

肝脾

大溪

寒  
疝

太衝

懸白

脾疝

承漿

築賓

湧泉

然谷

水道

陷谷

曲泉

瘡  
疝

足大指爪甲穴 並足合兩拇指爪甲以一艾炷灸兩  
爪端方角上七壯治癩疝陰腫大效

手小指端 治癩疝灸七壯左灸右右灸左

足大指本節間 治癩疝氣灸三壯

足大指內側去端一寸白肉際灸隨年壯甚驗若雙癩

灸兩處

陰腫欲瀉 炙足大拇指本節橫紋中五壯一云隨年壯

闢門 在陰莖根兩旁各開三寸灸二七壯治木腎偏

墜 一法於闢元旁相去各三寸青脈上灸七壯

一法令病人合口以草橫量兩口角爲一指照此再

加二摺共爲三摺屈成三角如△樣以上角安臍中  
心兩角安臍下兩旁當兩角處是穴左患灸右右患  
灸左右右俱患卽兩穴俱灸艾炷如麥粒十四壯或

三七壯卽安

陰瘻

命門

腎俞

氣海

然谷

陽谷

陰挺

曲泉

太衝

然谷

照海

陰縮

中封

萃中痛

列缺

行間

陰陵泉

痔漏

命門

腎俞

長強

五痔便血最效灸隨年壯

三陰

痔血

承山

久痔

陽谷

太白

凡痔疾腫大熱甚者先以槐柳枝煎湯乘熱熏洗過後用壯盛男子箇下頭垢捏成小餅約厚一分置痔上又

切獨蒜片厚如錢者置垢上用艾灸二七壯或三七壯無不消散 又法單用生姜切薄片放痔痛處用艾炷於姜上灸三壯黃水卽出自消散矣若有二三個者依前逐個灸之神效

### 脫肛

百會三壯此屬督脈居巔頂爲陽脈之都綱統一身之陽氣凡脫肛皆因陽氣下陷經云下者舉之故當藉火力以提之則脾氣可升而門戶固矣小兒亦然

### 胃俞

### 長強

又有洞泻寒中脫肛者灸水分百壯內服溫補藥自

愈

少腹外腎痛

邱墟

婦人證畧

婦人之病與男子同惟調經種子胎前產後與男子異其  
同者已具見于各條其異者自當別爲表著易曰一陰  
一陽之謂道乾道成男坤道成女男秉乾道之陽其性  
剛而明女秉坤道之陰其性柔而晦故其生病也大半  
由于七情鬱結中氣不能舒暢氣不舒則血遂不能循  
行無滯氣血交病因致月事失常崩帶癥瘕之病作衝  
任之脉有傷生化之機日薄是故苗而不秀秀而不實  
甚至終身不孕者有之而且積憂生熱積熱生痰延及  
虛勞者有之沈謐云婦人女子之病常浮于男子什九

其喜怒哀樂發而中節者寡欲診問而識所因蓋亦難矣經曰怒則氣上喜則氣緩悲則氣消恐則氣下寒則氣收熱則氣泄驚則氣亂勞則氣耗思則氣結九氣不同百病皆生于氣女子善怀氣病爲多氣病而血未有不病者今特取婦科之要者數則詳述于後

一月經不調血結經閉岐伯曰女子二七腎氣盛齒更髮長而天癸至任脈通太衝脈盛月事以時下月者以三旬一見以象月盈則虧也經常也行有常期而不失其候也內經曰飲食入胃遊溢精氣上輸于脾脾氣散精上歸于肺通調水道下輸膀胱水精四布五經並行東

垣先生所謂脾爲生化之源心統諸經之血誠哉是言也竊謂心脾和平則經候如常苟或七情內傷六淫外侵飲食失節起居失宜脾胃虛損心火妄動則月經不調矣如經行頭暈肝傷風動也經乃欲行腹中絞痛者血溢也夫經水陰血也屬衝任二脉上爲乳汁下爲月水內經云二陽之病發心脾有不得隱曲故女子不月其傳爲風消又曰月事不來者胞脈閉也薛立齋云女子不月有因脾虛而不能生血者有因脾鬱傷而血耗損者有因胃火而血消燥者有因脾胃損而血少者有因勞傷心而血少者有因怒傷肝而血少者有因腎水

不能生肝而血少者有因肺氣虛不能行血而閉者治宜察脈辨症各隨其所因而調之經所謂損其肺者益其氣損其心者調其營衛損其脾者調其飲食適其寒溫損其肝者緩其中損其腎者益其精是也

一婦人血崩證狀非一所感亦異經曰陰虛陽搏謂之崩又云陽絡傷則血外溢陰絡傷則血內溢產寶分陰崩陽崩受熱而赤謂之陽崩受冷而白謂之陰崩薛氏云有因脾胃虛損不能攝血歸源或因肝經有火血得熱而下行或因肝經有風血得風而妄行或因怒動肝火血熱而沸騰或因脾經鬱結血傷而不歸經或因悲哀

大過胞絡傷而下崩治療之法當各隨其經之所病東垣丹溪諸先生云凡下血證須用四君子以收功斯言厥有旨哉

一淋帶赤白經曰任脈爲病男子內結七疝女子帶下瘕聚又曰脾傳之腎名曰疝瘕小腸冤結而痛出自一名曰蟲所以爲帶下冤結也產寶帶下三十六疾乃十二瘕九痛七害五傷三固謂之三十六病也陳自明云婦人帶下其名有五因經行產後風邪入胞門傳于藏府而致之肝病色如青泥心病色如紅津肺病形如白涕脾病形如爛瓜腎病黑如鈍血人有帶脈橫于腰間病

生于此故名爲帶然亦不全拘于帶脉徐用誠先生云  
白屬氣赤屬血東垣先生云血崩久則亡陽故白滑之  
物下流亦有濕痰流注下焦或腎肝陰淫之濕勝或驚  
恐而木乘土位濁液下流或思慕爲筋癩症之所受不  
同而治亦各異也崔氏四花穴治赤白帶如神撮要取  
中極白环俞各灸十五壯腎俞灸隨年壯海藏謂帶病  
太陰主之灸章門穴麥粒大各三壯神效

一婦人癥瘕多屬血病癥者堅也堅則難破瘕者假也假  
物成形古人有五積六聚七癥八瘕之名內外所感不  
同治法亦當以類相從蟲者虫病也血病也雖內外所

感其積于腹中與藏氣搏結乃成龍蛇魚鱉等物自有  
活性故名曰蠱非鼓脹無物空空之謂也當須識此經  
云氣主噓之血主濡之若血不流積凝而爲瘕也瘕者  
中雖硬而忽聚忽散多因六淫七情飲食起居動傷臟  
腑而成當與痃癖諸症同治慎勿妄傷元氣

一婦人不孕多因七情所傷致使血哀氣盛經水不調或  
前或後或多或少或色淡如水或紫如血塊或崩漏帶  
下或肚腹疼痛或子宮虛冷皆不能受孕經云衝爲血  
海任主胞胎二經受病其在女子爲不孕故凡女子之  
孕育以血爲主血不能自生而又以氣爲主欲求種子之

之法亦惟以培補命門顧惜陽氣清心寡欲使氣血充和不求子而得子乃天地自然之道也

一婦人屢墮胎者必以氣脈虧損而然而虧損之由有稟質之素弱者有年力之衰殘者有憂怒勞苦而因其精力者有色欲不慎而盜損其生氣者此外如跌撲飲食之類皆能傷其氣脈氣脈有傷而胎可無恙者非先天最完固者不能而常人則未之有也且懷胎十月經養各有所主一月形如露珠乃太極動而生陽天一生水謂之胚足厥陰肝脉主之經水卽閉飲食稍異二月如桃花瓣乃太極靜而生陰地二生火謂之脈足少陽胆

脉主之若吐逆思食名曰惡阻有孕明矣或偏嗜一物  
一臘之虛如愛酸物乃肝經只能養胎而虛也三月如  
清涕先成鼻與雌雄二器乃分男女手厥陰心胞相火  
所主胎最易動四月始受水精以成血脉形象手足順  
成手少陽三焦脉所主五月始受火精筋骨四肢已具  
毛髮始生足太陰脾脉所主六月始受金精以成筋耳  
目皆成足陽明胃脉所主七月始受木精以成骨遊其  
魂能動左手手太陰肺脉所主八月始受土精以成皮  
膚九竅皆成遊其魄能動右手手陽明大腸脉所主十  
月始受石精百節畢備三轉其身足少陰腎脉所主十一

月神氣備足乃足太陽膀胱脈所主惟手少陰太陽無所主者專主之官無爲而已凡墮胎多在三五七月必當審察所由而預防之

一胎漏有母氣壯盛蔭胎有餘而血之溢者此不必治有父氣薄弱胎有不能全受而血之漏者此胎陽本虧而生子必萎小當助其胎不必治其漏他如怒動肝火脾虛不能攝血或血熱氣滯或脾腎兼虛三焦氣血俱虛或勞倦傷而動血或偶因傷觸動血或衝任氣虛不能約制血滑易動者病各有所主也

一婦人轉脬由脬爲熱所逼或忍小便俱令水氣迫于脬

屈辟不得充張外水應入不得入內瀆應出不得出內外壅滯脹滿不通故爲脬轉其狀少陰急痛不得小便甚者至死不可治妊娠轉胞者因胎長逼迫于胞胞爲所逼而側令人數溲胞卽膀胱也轉胞與子淋不同小便頻數點滴而痛爲子淋類數出少而不痛爲轉胞間有微痛終與淋異

一產准橫生以兒方轉身產母用力逼之太早故致兒身未順而先露手臂但令母安然仰卧穩婆以手徐推兒臂下体令其正直復以中指摸其肩弗使臍帶攀繫卽生一法令產母仰卧以小針刺兒手脚心三五次用鹽

擦之手脚卽縮上轉身而生

一產後諸症多屬于虛然亦有不虛者有全實者不可因丹溪之論執一不化陳自明云產後惡露不止因傷經血或內有冷氣而藏府不調故也薛立齋云有肝氣熱而不能主血者有肝虛不能藏血者有脾虛不攝血胃氣下陷不能統血脾經鬱熱而血不歸源怒動肝火而血妄行肝經風邪而血沸騰又有氣血俱虛者治勿拘泥又如產後昏暈古人多云惡露乘虛上攻不知此症有二一曰氣脫因產時去血過多眼閉口開手冷六脉微細是也一日血暈本由氣血所致然亦有血壅痰盛


形氣脈氣皆有餘胸腹脹痛上衝此血逆症也若胞衣  
不下亦有二端一因氣血虛弱不能傳送而別無痛脹  
但助其氣血卽下一因血入胞中脹大而不能下以致  
心腹脹痛喘急急宜用藥散血消脹胎衣自下又法以  
本婦頭髮捲入喉中使之作嘔則氣升血散胞軟亦自  
落矣

一婦人乳疾乳汁乃衝任氣血所化故下則爲經上則爲  
乳若產後無乳由于氣血之不足或肥胖婦人痰氣壅  
盛乳滯不行乳腫者因兒吮乳爲口氣所吹致令乳汁  
不通壅結腫痛不急治之多成癰腫謂之吹乳或因無

兒飲乳或兒弱飲少餘乳蓄結作脹或婦人血氣方盛  
乳房作脹以致腫痛憎寒壯熱不吮通之必致成癰乳  
癰一症屬胆胃二府熱毒氣血壅滯故初起腫痛發於  
肌表或發寒熱或憎寒頭痛煩渴引冷至數日之間膿  
成潰竅稠膿湧出膿盡則愈若氣血虛弱久不收斂則  
難治

一婦人陰挺是因胞絡傷損或因分娩過勞或因鬱熱下  
墜或因氣虛下脫陰中突出如菌如芝或挺出數寸痒  
痛牽引腰腹大都房室過度淫慾不遂多致此症治以  
升補固陰爲主又婦人夜夢顛倒與鬼交通由于藏府

空虛陽神不守故鬼氣得以乘之其狀不欲見人如有  
塘對時獨言笑或時悲泣是也又婦人遺尿乃心腎之  
氣傳送失度之所爲也故有小便澁而流者有失禁而  
出不自知者有產理不順致傷膀胱遺尿無時又有胞  
寒藏冷而遺尿不禁治宜審察勿損真陰此皆婦人之  
病之大畧也



婦科證治

血結月事不調

氣海

中極

照海

經閉

腰俞

照海

血崩不止

膈俞

肝俞

腎俞

命門

氣海

中極

下元虛冷  
白濁

問使

血海

復溜

行間

陰谷

通里

淋帶赤白

腎俞

血海

帶脈

中封

三陰交

中極

氣海

腎俞

命門

神闕

身交

在少腹下橫紋中

交儀

在內踝上五寸

營池四穴

在內踝前後兩邊池上脉

漏陰

在內踝下五分微動脉上

瘕痕

胃俞

脾俞

氣海

天樞

行間

三焦俞

腎俞

子宮

子戶

中極

會陰

復溜

不孕

三陰交

血海

氣海

命門

腎俞

中極

關元

陰廉

然谷

照海

胞門

在關元左邊二寸子藏門塞不受精妊娠不成

氣門

在關元旁三寸

一法灸神闢先以淨乾鹽填臍中灸七壯後去鹽換川  
椒二十一粒上以薑片蓋定又灸十四壯灸畢卽用  
膏貼之艾炷須如指大長五六分許

胎屢墮

命門

腎俞

中極

交信

然谷

產難橫生

三陰交

合谷

一治橫逆難產危在頃刻符藥不靈者灸至陰穴三壯

炷如小麥下火立產其效如神穴在右脚小指瓜甲外側尖上

產後惡露不止

中極

產後無乳

前谷

胎漏下血

氣門 穴在關元旁三寸灸各百壯

轉胞腰痛

十七椎穴 灸五十壯

欲絕產

臍下二寸三分灸三壯或至七七壯卽終身絕孕

欲取胎

肩井

合谷

三陰交

產後血晕

申子癸命

卷之胎漏轉胞腰痛 胎血晕

三

支溝

乳瘻膿腫

乳根

乳腫

少澤

臨泣

行經頭暈少腹痛

內庭

婦人蟲病

公孫

氣蠱

太溪 水蠱

行間 血蠱

內庭

食蠱

陰挺癢痛

少府

曲泉

繞脅疗癆

氣海

關元

胞衣不下

三陰交

此穴同合谷針之下  
胎最速

崑崙

婦人遺尿

橫骨 當陰門灸七壯

夜夢交感

三陰交 灸五壯男女同治

神灸經綸

卷四 白帶陰挺癢痛胞衣不下遺尿夢交

三

--	--	--	--	--	--	--	--	--

小兒證畧

病之最難治者莫如小兒小兒口不能言古人謂之啞科  
凡一切疾痛疴癢莫由達之醫人醫者以意消息其表  
裏虛實則誠有難然者也然最易治者亦莫如小兒小  
兒藏府雖脆弱固易受病却是一片天真之氣全無七  
情六欲其中病也必先見于形色觀色之晦明卽可知  
其寒熱又必發于聲音審其聲之宏細卽可知其虛實  
又水鏡訣有三關脉辨色以驗五藏醫者心誠求之果  
能得其虛實取效甚速此又治之易易也錢仲陽小兒  
脉訣云弦急氣不和沉緩爲傷食促急是虛驚風浮冷

沉細消息得其端脉亂者不治又全幼心鑑有按眉端法介賓以強弱緩急四脉驗小兒病最爲得要思其難以圖其易則難者不難視爲易不識其難則易者不易常見世俗時醫執守數方以爲的將小兒之病以作射的之矢其中我力也不中尔命也嗟乎何其輕嘗淺試忍心夭折一至于此吳中葉氏有諷切之言謂近時俗醫所用藥餌不分氣血陰陽初則疏散繼爲清解未從消導盡此不效別無方法托言服藥已疲且緩藥數日待其自愈倘有變症希企掩飾而已更有病家延集多醫以爲合謀商酌必然穩妥不知築室道旁雜無成見

內有稍過道者主立一方臥醫傳視僉曰正合吾意或  
加一味或減一味虛應在事之情迨藥不中病羣相推  
諉或僥倖成功名誇己能並不識在經在絡湯藥亂投  
卽病家亦不知誰咎誰功妄加毀譽此等風氣開自庸  
醫富室而醫事幾爲若輩壞矣予亦有醫願數則附錄  
于後以明醫道實爲軀命所關絲毫不可率畧而小兒  
尤必加謹焉

一驚風有急慢二症急驚之候壯熱痰壅覲視反張搐搦  
顫動牙關緊急口中氣熱頰赤唇紅飲冷便結脈浮洪  
數此肝邪有餘而風生熱熱生痰痰熱客于心膈間則

風火相搏故其形症急暴陽症也實症也當先治其標後治其本慢驚之候多由吐瀉因致氣微神緩昏睡露睛痰鳴氣促驚跳搐搦或乍發乍靜或身涼身熱或肢體逆冷或眉昏青赤面色淡白但其脈遲緩或見細數此肺脾氣虛肝邪無制因而侮脾生風故其形氣病氣俱不足陰症也虛症也當專顧脾胃以救元氣若慢脾之症由慢驚之後吐瀉損脾而赤額汗舌短頭低眼合不開睡中搖頭吐舌頻嘔腥臭噤口咬牙床手足微搐或身冷或身溫或四肢冷脈沉微此病傳已極總歸虛處惟脾所受若逐風無風可逐療驚無驚可療于此不

審其因泛用祛風化痰之劑則促其危矣又撮口臍風  
由胎中受熱或初生不慎風寒遂致聚唇撮口眼閉口  
噤啼聲如鴉或聲不能出或舌上如粟或口吐白沫或  
痰鳴氣喘甚者舌強面青腹脹青筋吊腸牽痛七日內  
病者百無一生百日內病甚者亦多不治若因風動入  
臍或冷氣傳于脾絡以致前症者口內有小泡急掐破  
去其毒水以艾灸臍中亦有得生者治法多端無如灸  
法神妙

一龜背者因小兒初生客風吹脊入于骨髓小兒元氣未  
充腠理不密易爲風邪所乘或痰飲蘊結風熱交攻亦

致此症鷄胸者由肺熱脹滿攻于胸膈或乳母多食五辛熟物及兒食宿乳而成錢仲陽云肺主氣實則悶亂壅迫于胸間乃成鷄胸之症

一小兒羸瘦肚大多屬疳症如手足極細項小骨高尻削體瘦腹大臍哭號哭胸陷是爲丁奚如虛熱往來頭骨分開翻食吐虫煩渴嘔噦是爲哺露又腦後項邊有如彈丸按之轉動軟而不痛其內有虫不速針出則內食藏府肢體癰疽便利腹血壯熱羸瘦頭露骨高是爲無臯疳若見白膜遮睛或瀉血而瘦此爲肝疳又名筋疳亦名風疳錢仲陽云小兒諸疳皆因脾胃虧損內亡津

液虛火妄動或乳母六淫七情飲食起居失宜致兒爲患又因食積腹大多緣脾胃陽氣不足虛寒作脹東垣云寒脹多熱脹少若脾胃不虛則運化以時何致腹膨脹大此崇本之論非一家言也

一泄瀉霍亂由于六淫外侵調護失常乳食不節有冷有熱有食積三者之不同也冷者脾胃虛寒水穀不化小便白而大便青或如糟粕手足厥冷或兼外感風寒內傷生冷身體乍涼乍熱面黑氣喘者不治熱者脾胃有濕大便黃而小便赤口乾煩渴四肢溫緩亦有兼暑受熱而作吐瀉者若唇深紅內熱大甚不退者不治食積

者因傷食過度脾胃積滯腹脹發熱吐如酸醋氣渴如敗卵臭此其候也摠之吐渴不止臟氣日衰多成慢驚之症可不慎乎若霍亂與吐渴又稍有不同霍亂之來暴而疾吐渴之症徐而緩或以寒涼傷胃或犯時氣陰濕或因飲食失宜皆能致之醫者當此緊要關頭不可無定見

一小兒夜啼有脾寒有心熱如夜屬陰陰勝則脾藏之寒愈威脾爲至陰喜溫而惡寒寒則腹中作痛故曲腰而啼其候面青白手腹俱冷不思乳食是爲脾寒亦曰胎寒若見燈愈啼者心熱也心屬火見燈則煩熱內生兩

陽相搏故仰身而啼其候面赤手腹俱煖口中氣熱是也究其所自多由心氣之不足或觸犯禁忌狀若鬼祟者亦有之

一小兒心脾有熱舌下有形如小舌者名曰重舌舌腫硬不柔和者名木舌若舌下有紫脈牽絆不語啼哭名絆舌用布針刺豚上數針卽愈

一小兒語遲錢氏云心之聲爲言小兒數歲不語由姪母卒有驚動邪乘兒心致心氣不足故不能言也有稟父腎氣不足者有乳母五火遺熱閉塞氣道者有病後津液內亡會厭乾涸者亦有脾胃虛弱清氣不升而言遲

者宜隨經用治

一小兒口轉屎氣經云受穀者濁受氣者清清者注陰濁者注陽清者上出于肺濁者下出于胃清濁相干命曰亂氣故宜上者反下宜下者反上此不獨小兒爲然凡肺胃傷冷陰陽淆亂者多致此病小兒臟腑脆弱宜溫而不宜寒若乳母喜食寒涼寒氣流入乳中小兒吮食不得下化並胃中積濁轉逆而作屎氣非若胃熱口臭之冲人鼻也

一陰腫痛氣多由寒邪所鬱陰囊偏墜腫痛不可忍或小腹痛引腰脊攀曲身不能直卒然腫痛或坐地多時或

邪氣外襲亦有爲虫蟻吹者皆得以致此

一癰瘍病錢仲陽云小兒發癰因血氣未充神氣未實或爲風邪所傷或爲驚怪所觸亦有娠姪七情驚怖所致如面赤目瞪吐舌囁唇心煩氣短其聲如羊者曰心癰面青唇青兩目上竄手足牽掣反折其聲如犬者曰肝癰面黑目振吐涎沫形体如尸其聲如猪者曰腎癰面如枯骨目白反視驚跳反折搖頭吐沫其聲如鷄者曰肺癰面色瘀黃目直腹滿自利四肢不收其聲如牛者曰脾癰凡有此症先宜看耳後高骨間先有青脈紋抓破出血可免其患此皆元氣不足之症也又有驚癰心

神恍惚或語言鬼神喜笑不休有風癟恍惕怔忡痰涎  
泄濁有食癟脾土虛弱飲食停滯夜多濼溺若眼直目  
牽口噤涎流肚脹筋搐背項反張腰脊強勁形如死狀  
終日不醒則爲痓矣

一病氣在腸胃之外膈膜之間非可以消伐推蕩而去據  
由飲食不節脾胃傳化不及則胃絡所出之道漸有留  
滯日以益大因成痞矣或感寒發熱然後胃氣未清不  
自知戒口腹則食以邪留最易成痞治此者不識從胃  
氣推求則痞未消而元氣已憊矣

瘓者筋脈拘急瘓者筋脈張縱也素問云心脈急甚者

瘓癰脾厥急甚者亦爲瘓癰靈樞云心脉滿大病瘓筋  
掣肝厥小急亦瘓瘓筋掣有風熱有虛寒經云肝主筋  
而藏血血虧陽火熾盛筋無所養多致此病營分因寒  
傷筋爲拘急小兒吐瀉後脾胃虧損與夫陽氣脫陷者  
亦多患之人有忽得痴呆者失志之病也憂思過甚志  
不能轉移心神因之失守心胞之絡氣結痰凝故冥頑  
不靈又有夢魘鬼擊者由于心志不交心藏神腎藏志  
人寐納氣于腎腎有所恐則精却却則上焦閉閉則肝  
之魂肺之魄化變百出而爲邪魘鬼擊氣不得升呼不  
得出甚則一夜數發虛人小兒多有之靈樞淫邪發夢

篇可參攷焉

一癲狂風癇五癲瘧癰各有不同難經曰重陰者顛重陽者狂狂爲痰火實甚顛爲心血不足脈經曰陰附陽則狂陽附陰則顛顛者或狂或愚或歌或笑或悲或泣如醉如痴言語有頭無尾穢潔不知積年累月不愈俗呼心風此志願高大而不遂所欲者多有之狂者病發之時猖狂剛暴如傷寒陽明大實發狂罵詈不避親疏甚者登高而歌棄衣而走踰垣上屋非力所能或與人語所未常見之事如有邪依附者是也風癇者由熱甚而風燥發則昏不知人眩仆倒地不省高下甚而瘧癰抽


掣目上視或口目喝邪或口作六畜之聲時發時止與  
瘧病相似然瘧病身強直反張如弓不如癥之身軟也  
夫瘧者卽後人誤爲瘧病也仲景云身熱足寒頸項強  
急惡寒時頭熱面赤目赤獨頭動搖卒口噤背反張者  
是也太陽病發熱無汗反惡寒者名曰剛瘧太陽病發  
熱汗出名曰柔瘧所謂剛瘧者爲中風發熱重感于寒  
而得之所謂柔瘧者爲太陽發熱重感于濕而得之後  
人方論乃以無汗爲表實有汗爲表虛不思濕勝者自  
多汗出治者誤爲表虛而行溫補能不重增大筋之熱  
歟

一雀育晝視通明夜視罔見因稟陽氣衰弱遇夜陰盛則  
陽愈衰故不能見物也

一口噤不吮乳因初生試口不淨惡穢入腹則令腹滿氣  
短不能吮乳或爲風寒所侵眼閉口噤啼聲漸小或不  
能出聲或口吐白沫或唇緊撮口或吼氣喘急喉痰潮  
响甚者舌強面青腹脹青筋吊腸牽痛百日內病甚者  
多不治

一小兒脫肛渴血巢氏云實熱則大便閉結虛寒則肛門  
脫出多因吐渴脾氣虛肺無所養故大腸之氣虛脫而  
下陷又脾胃有傷營衛虛弱諸經之血行失常道故下

爲渴血若臟腑撮痛亦主于脾胃經云痛者陰也又曰  
痛者寒氣多也雖謂多由積滯然脾胃不虛則運化以  
時何有積滯若胃氣無傷而腹中和緩則必無留滯作  
痛是痛者多由乎虛寒也



小兒證治

急慢驚風

百會

水溝

合谷

大敦

行間

齒會

上星

率谷

尺澤

慢驚

間使

太衝

印堂

灸三壯 索如小麥

撮口驚風

然谷

一法以艾小炷隔蒜灸臍中俟口中覺有艾氣卽敷凡臍風症必有青筋一道自下上行至腹而生兩岔卽

灸青筋之頭三壯若見兩奮卽灸兩處筋頭各三壯十治五六否則上行攻心不救

慢脾風

脾俞

龜背

肺俞

雞胸

乳根

羸瘦骨立

百勞

胃俞

腰俞

長強

食積肚大

脾俞

泄瀉

胃俞

水分

胃俞

腎俞

天樞

神闕

腹痛乳利甚  
妙

霍亂

水分

轉筋

外踝尖上三壯

夜啼心氣不足

中衝

神灸經綸

卷四

金精失泄瀉霍亂夜啼  
君臍重舌否口鼻脣

墨

疳眼

合谷

重舌

行間

氣弱數歲不語

心俞

口中轉戾氣 因母食寒涼所致

中脘 炙九壯大人十四壯

陰腫

崑崙

疝氣

會陰

大敦

五癟 先怖恐啼叫乃發

前頂灸頂上旋毛中壯及耳後青絡脉如麥大三壯

長強

囟會

巨闕

章門

天井

內關

少衝

風癟 先出手指如數物狀乃發也

灸髮際宛宛中三壯

神庭

治吐舌角弓反張

猪癟 痘如戶厥口吐青沫作猪聲

巨闕 灸三壯 百會

神門

羊瘡 目瞪舌吐作羊聲

百會

神庭

心俞

肝俞

天井

神門

太衝

馬瘡 張口搖頭身反折作馬鳴

百會

心俞

命門

神門

僕參

太衝

照海

牛瘡 善驚反折手掣手搖

大杼

鳩尾

尖下五分灸三壯不可多

雞癟

張手前仆提住卽醒

申脈

驚癇如狂 灸炷如小麥大三壯

金門

僕參

崑崙

神門

解谿

痞氣

中脘

章門

臍後脊中 七壯

雀目

夜不見物

灸手大指甲後一寸內廉橫紋頭白肉際各一炷如小

麥大

口瘡不吮乳 初生七日內得此症是客風中膿循流至心脾二經遂使舌強唇撮

承漿

穴在唇稜下  
宛中

頰車

穴在耳下曲  
頰骨後

以上二穴各灸

七壯

唇緊

灸虎口男左女右七壯又兼承漿三壯

吼氣

灸無名指頭二壯

脫肛渴血臍廄撮痛不可忍

灸百會二壯

外科證畧


夫人之有生死主于氣血榮枯人之有疾病由于氣血之失其常度故癰疽之發或由氣熱傷血或由血熱傷氣總之經絡阻隔血氣凝結然亦有陰症陽症表裏虛實之不同經云五藏菀熱癰發六府又云六府不和留結爲癰又云諸痛癰瘍皆属于心肺乘肝則爲癰腎移寒于肝癰腫少氣脾移寒于肝癰腫筋摶此皆藏府之變又不專主于熱專属于外也集驗云癰疽之名雖有二十餘症而其要有二陰陽而已發於陽者爲癰爲熱爲實發于陰者爲疽爲冷爲虛故陽發則皮薄色赤腫高

多有椒眼數十而痛陰發則皮厚色淡腫硬如牛頭之皮而不痛又有陽中之陰似熱而非熱雖腫而實虛若赤而不燥欲痛而無膿既浮而復消外盛而內腐陰中之陽似冷而非冷不腫而實赤微而燥有膿而痛外雖不盛而內實煩悶陽中之陰其人多肥肉緊而內虛陰中之陽其人多瘦肉緩而內實而又有陽變而爲陰者草醫涼劑之過也陰變而爲陽者大方熱藥之驟也然陽變陰者其症多猶可返于陽故多生陰症變陽者其症少不能復爲陰矣故多死然間有生者此醫偶合于法百中得一耳薛立齊云癰疽有五善七惡飲食如常

動息自安一善也便利調勻或微見乾澀二善也膿漬  
腫消水漿不臭內外相應三善也神彩精明語聲清亮  
肌肉好惡分明四善也體氣和平病藥相應五善也七  
惡者煩燥時歟腹痛渴甚眼角向鼻渴利無度小便如  
淋一惡也氣息綿綿肺病相反膿血既泄焮腫尤甚膿  
色臭敗痛不可近二惡也目視不正黑暗緊小白暗青  
赤瞳子上視睛明肉陷三惡也喘粗短氣恍惚嗜卧面  
青唇黑便污未瀉肉黑而陷四惡也肩背不便四肢沉  
重已瀉青黑筋腐骨黑五惡也不能下食服藥而嘔食  
不知味發痰嘔吐氣噎痞塞身冷自汗耳聾驚悸語言

顛倒六惡也聲嘶色敗唇鼻青赤面目四肢浮腫七惡也症見五善病在腑者輕症見七惡病在臟者危凡五善之中見一二善症瘡可治也七惡之內忽見一二惡症宜深懼之太抵虛中見惡症者不可救實症無惡候者自愈臨症之時最宜詳細明察須分經絡部分血氣多少腧穴遠近有宜內治者有宜外治者元戎云自外而入者不宜灸自內而出者宜灸外入者托之而不內出者接之而令外故經云陷者灸之灸乃從治之意凡瘡瘍初起七日以前卽用灸法大能破結化堅引毒外出移深就淺功效勝于藥力惟頭爲諸陽所聚艾炷

宜小而少若少陽分野尤不可灸灸之多致不救亦有  
因灸而死者蓋虛甚孤陽將絕其脉必浮數而大且鼓  
精神必短而昏無以抵當火氣宜其危也又精要云腦  
爲諸陽之會頸項近咽喉腎俞爲致命之所俱不可灼  
艾苟不知宜忌一概混施非徒無益而反害之瘍醫雖  
屬外科然其觀色脉辨陰陽晰經絡分虛實未有不精  
乎內而能明乎外者也



外科證治

一切瘡毒大痛或不痛或麻木如痛者灸至不痛不痛者灸至痛其毒隨火而散此從治之法也有同生之功法用大蒜頭去皮切三文錢厚安瘡上用艾炷於蒜上灸之三壯換蒜復灸未成者卽消已成者亦殺其大勢不能爲害如瘡大用蒜搗爛攤患處將艾鋪上燒之蒜敗再換如不痛不起發不作膿或陰毒尤宜多灸而仍不痛不起發不作膿者不治此氣血大虛之候也

發背

心俞

委陽

一日在尻臀下一寸六分  
大腿上有逢

騎竹馬灸法 主治一切癰疽惡瘡發背婦人乳癰

法用薄篾一條以男左女右手臂腕中自尺澤穴橫紋量起至中指端盡處截斷爲則却用竹杠一條令病者脫去上衣正身騎定使兩人前後扛起令病人腳不著地仍令二人扶之勿使偃側搖動却將前所量篾從竹杠坐處尾骶骨下着杠量起貼脊直上至箇盡處用墨點記此非灸穴更用薄篾量手中指同身寸二寸平於脊中墨點處各開一寸是穴灸五七壯一日疽發於左則灸右發右則灸左甚則左右皆灸蓋此二穴乃心脉所過之處凡癰疽皆心火留滯

之毒灸此則心火流通而毒散矣起死回生之功疊

試屢效 左右搭手兼灸會陽

臍頂後疽 一名天疽俗名對口

男左女右脚中指下俯面第  
三紋正中用斬艾灸七壯

乳癰疽岩 乳氣 乳毒 侵囊

近膻中者是

肩髃 靈道

溫溜 小人七壯 大人二七壯

足三里 條口 乳癰

下巨虛 各二七壯

肺癰

膻中 肺俞 支溝

大陵

腎俞 合谷

大淵

項上偏枕

風門 灸二七壯

玉枕發 生腦後髮際中腫起引鼻閉塞

風府 穴在項後入髮際一寸灸三七壯

項疽 生於項中當脊不能回顧

天宗 在肩胛骨下有陷處灸七壯

疔瘻

用大蒜爛搗成膏塗疔四圍留瘻頂以艾炷灸之以爆爲度如不爆難愈宜多灸至百餘壯無不愈者

**鼻疗** 生于鼻内痛引腦門不能運氣

牙閉不開鼻大如瓶色黑者不治

**腕骨** 穴在掌末側陷中灸七壯炷如棗豆大

**黑疗** 生耳中赤腫連腮

**後溪** 穴在手小指外側本節後捏拳橫紋盡處灸七壯

**頰疗** 生面頰骨尖高處發時寒戰咬牙口不能開

**外關**

**注節疗** 生指節縫中腫痛連肘臂

**合骨**

**合疗** 一名虎口發有小黑泡起大指節尾中

**內關**

**間使**

鬚疽

伏兔

唇疽

鎖鼻

牙疽

外踝尖上灸三壯炷如菉豆大

瘰疽 生耳下半寸形如鷄子膿長流經年不瘥

天井 穴在肘外一寸灸三七壯

透腦疽 生當鼻上如鷄子堅硬按痛連心

中都

對口疽 生項後

神門

虎口疽 生承漿內

後頂

發疽 生當背脊外兩旁堅赤而腫近膏肓穴

心俞

背疽症不一有背氣發 蓮子發 荷葉發 脊發

當觀其色赤腫痛易治又須得月令生身則吉

春黃夏黑不治如得月令急以騎竹馬法灸之須服

乳香托裏散

神灸經綸

卷四 對口疽 虎口疽 等症

三

菜豆粉一兩乳香五錢研細甘草浸湯調下二錢專托毒氣不使入心再用

國老膏

大粉草五兩剉細用長流水浸一宿慢火磁器內濃煎去滓再煎如飴糖每服一二匙用無灰酒調下候利爲度良久焮腫漸消去視其漸消第三日便安矣但灸瘡發異常內如蟲行形狀流出清水四五日方定仍服

五香連翹飲

沉香木香丁香乳香另研連翹升麻射干

木通 生黃芪 大黃 畢炒 粉草 獨活 五錢 蘆香二分  
桑寄生 一錢五分 共十四味除麝香一味餘皆入銀器內  
煎好再下麝香和勻溫服能疏散鬱毒之氣

救膜薄心丸

白礬一兩生研黃蠟五錢溶化入礬和勻急手丸如梧子大每服十丸或米飲或酒下未破皆效  
此表裏內外相須調治大可活人功效匪淺

腎疽 生十四椎兩旁

合陽

附骨疽 生脚外魚肚上一云環跳穴痛恐生附骨疽也

大陵

懸鐘

崑崙

兌疽 生臂上兌肉端

神門

穿骨疽 生手掌後三寸兩筋間大如鷄子堅如石

按痛至骨

神門

樂疽 生臂內堅如鷄子按之痛徹骨時惡寒

腋門

髎疽 發于肩腋相連腫

會宗

魚肚疽

一名蛇頭疔

發于手中指中節令人寒戰咬牙

合谷

**心疽** 當心兩乳之中先熱後寒赤腫引背痛

**陰谷**

**咬骨疽** 生于裏股無形作痛蓋毒氣在骨中所發

**陰包** 在膝上四寸兩筋  
中灸三七壯

**痃疽** 生陰器之右連陰子腫者痛引兩脇

**蠡溝**

**坐馬疽** 生陰前後中間在右名下馬瘻在左名上馬瘻

在內尖頭者名鶴口疽

用前隔蒜灸法宜先服護心散以防火氣入內

**漏疽** 發于肋下一竅有聲如嬰兒泣用膏藥或紙貼之

**神灸經綸**

卷四

心疽 咬骨疽 陰包 險疽 陰谷

漏疽

美

則不能出聲

陽陵泉

腿骨疽 發於大腿之側痛甚徹骨皮膚不腫不赤

絕骨

陰疽 在內股其形長濶二寸許下易治上難治其色微赤痛甚曲膝不能屈伸

商邱

腹疽 生于臍下橫而微腫痛甚牽引脊背

箕門

穿踝疽 生內踝骨中發腫內外痛甚不能行動

隱白

魚口疽

發于少腹之下臍根之上搘紋縫中

一名便毒  
又名血瘤

隱白

喉瘻

生咽喉之下赤腫連喉痛甚不能飲食

少衝

膿瘻

生臂上連肩青腫長而堅者

少海

肘瘻

生肘尖上不能舒伸令人肩背痛

問使

石榴瘻

發于臂上各經俱有先腫後皮翻開無法可治

惟用菊花湯洗淨又用菊花燒灰同輕粉和勻敷之

天井

胸癰 生兩乳中上二寸其症頭痛心虛體倦其色赤腫

郊門

脇癰 癰于右脇下長五寸許濶三寸微腫寒戰小腹痛

衝門

氣癰 生胸間乳上三寸赤腫痛甚

靈道

赫癰 生膺旁大如瓜凸出如癰瘤

陰谷

築賓

胃瘻 生于左者名胃口瘻生于右者名胃口瘻

曲池

內關

腎瘻 自腎俞穴起

會陽

幽瘻 生臍下五寸大如鷄子令人寒戰咬牙痛連兩脇

築賓

裨福瘻 生于陰器之底近肛邊陰子腫赤痛連腰背

三陰交

手背瘻

中渚

神灸經綸

卷四 肺瘻 胃瘻 腎瘻 手瘻

七

瘻癰

間使灸五壯

左灸外關灸三壯

結核天井灸五壯

右百灸左

同治

內服養營湯其癰自消惟一二个不消者用癩蝦蟆  
一个剥去皮蓋瘻癰上用艾灸七壯立消

蜂窠癰 自左邊起竅皆出膿

肩鶠

曲池 此二穴乃治癰之秘法也

天池

天井

三間

錐銳癰 自右邊生起

肩鶠

曲池

天井

盤蛇癰

延頸生者

肩尖 卽肩髃

肘尖 卽曲池

人迎

肩外俞

天井

騎竹馬灸三七壯

瓜藤癰

胸前生者

肘尖

少海

騎竹馬灸

馬刀癰

腋下生者

淵腋

支溝

外闢

足臨泣

頭腋俱治

間使

治生耳後入髮際微腫硬如石引頭痛灸二七壯

凡瘰癧出于頰下及頰車邊者當于手足陽明經取穴治之然肩頸曲池二穴亦妙

合谷

足三里

以上感毒深者灸後再二三報之

隔蒜灸法 用獨蒜片從後發核上灸起至初發母核而止多灸自效

瘦瘤 男左灸十八壯右十七壯女右十八壯左十七壯

天突治一切瘦瘤初起者甚妙通天

雲門

臂膚

曲池

治血肉筋氣石耳後五瘦中封治氣瘦兼灸

大椎

頭瘻

風池

氣舍

膕會

天府

衝陽

身面癩疣

當疣上灸三壯卽消亦有止灸一壯以水滴之自去

蘿蔔

曲池

陽谿

天井

瘡疥

風門

間使

合谷

大陵

胸前瘡疥

侵腦

在目鉗眥中髮下一寸其症寒戰發熱雙目痛

支正

風眉

生兩眉間長如生瓜皮赤腫引兩目侵眉痛難忍

陽谷

馬口瘡

生于鼻下腫痛大如馬刀

郗門

魚腮 生耳下腮中發時連牙痛

四濱

龍泉毒 生人中內

百會

肩風 生肩上青腫甚者痛連兩脇

肩貞

流注 生起于缺盆穴氣復合于天樞穴

梁邱

氣痞 生腹皮裏膜外狀如覆杯

章門

**鵠膝風** 發於膝內股腫疼甚者見青筋引足心痛此症

係二陰不足

三陰交

膝眼

穴在膝下兩旁陷中

腋氣

凡腋氣先用快刀剃去腋毛乃用好定粉水調搽患處六七日後看腋下有一點黑者必有孔如針大或如簪腳卽氣竅也用艾炷如米大灸三四壯永不再發

毒瘡久不收口

凡患瘡疽潰後久不收口膿水不臭亦無反肉者此因消敗大過以致血氣虛寒不榮肌肉治失其宜便爲終

神灸經綸

卷四

鵠膝風 腋氣 瘡瘍收口

身之患須內服十全大補湯等藥外用大附子以溫水泡透切作二三分厚置漏孔上以艾灸之或以附子爲末用唾和作餅灸之亦可隔二三日再報之不三五次自然肌肉長滿而宿患平矣

### 黃蠟灸法

先以濕麵隨瘡疽腫根作圈高寸餘實貼皮上如井口形勿令滲漏圈外圍布數重防火氣烘膚固內鋪蠟屑三四分厚次以銅漏杓盛桑木炭火懸蠟上烘之令蠟化至滾再添蠟屑隨添以井滿爲度皮不痛者毒淺灸至知痛爲度皮痛者毒深灸至不知痛爲度去火杓卽

噴冷水少許于蠅上俟冷起蠅蠅底之色青黑此毒出  
之徵也如漫腫無頭者亦以濕紙試之於先乾處灸之  
初起者一二次卽消已成者二三次卽潰不歟四圍  
硬者卽于瘡口上灸之蠅從孔入愈深愈妙其頑癰  
膿盡化收斂甚速

豆豉餅灸法

瘻疽發背已潰未潰用江西淡豆豉爲末量瘡大小黃  
潤合作餅厚三分置患處灸之餅乾再易一餅如已有  
瘡孔勿覆孔上四布豉餅列艾其上灸之使微熱勿令  
肉破如熱痛急易之日灸三度令瘡孔出汗卽瘥

躄蠙灸法

瘡瘻惡瘻諸藥不驗者取躄蠙剪去兩頭安瘻口上以艾灸之七壯一易不過七枚無不效者

神燈照法

方用 砂砂 雄黃 血竭 没藥各二錢香四分

共爲細末每用三分紅綿紙裹藥搓撲長七寸麻油浸透用火點着離瘻半寸許自外而內周圍徐徐照之火頭向上藥氣入內毒氣隨火解散自不致內侵臟腑初用三根漸加至四五根候瘻勢漸消時仍照之但照後卽用敷藥圓敷瘻根比瘻暈大二三分爲平瘻口用萬

應膏貼之如乾及有膿用豬蹄湯潤洗之如已潰大膿瀉時不必用此照法惟初起七日前後卽起發法能使未成者自消已成者自潰不起發者卽起發不腐者卽腐實有奇驗

### 桑柴火烘法

凡瘡疽初起腫痛重若負石堅而不潰者用新桑樹根劈成條或桑木枝長九寸劈如指粗一頭燃着吹滅用火向患處烘片時火盡再換每次烘三四枝每日烘二三次以知熱腫潰肉腐爲度此古法也但桑柴火力甚猛宜于未潰之先可以生發陽氣速潰速腐若已潰之

後或瘡口寒或天氣寒或肌肉生遲者亦須烘之使肌  
肉常煖法以桑木燒作紅炭以漏杓盛之懸患上自四  
圍烘至瘡口或高或低總以瘡知熱爲度每日烘後再  
換敷貼之藥蓋肌肉遇煖則生潰後烘法亦易科所不  
可缺也

硯丞醫願

人之有生稟受五氣養以五味徵爲五色發爲五聲五者相得氣和平五者一失疾疢乃生由外之內感於六氣由內之外敗於七情稍偏救弊醫擅其名醫者意也以意消息貴得精詳在經在絡明辨陰陽診視真確始可立方勿期俾中淺試輕嘗兢兢業業謹誌弗忘順逆偶失過責誰當綱古名醫洞見五臟剖腹湔腸極形無尙多出神奇理明義暢非謂萬病盡可生全膏肓骨髓視之瞭然慨夫晚近風氣寢薄冬不潛陽雷電間作未春先榮未秋先落根淺幹柔花嬌實剥其在於人質鮮古樸朝夕營營聲色

利貸仁厚少存神氣蕭索歟折匪天本根先斬我心鑒此游藝醫林會以儒理出以佛心參形合數援古證今七方十劑運用時欽究慚淺學是用規箴

本願五則

一拙性耽閒散且有希夷先生之癖時或懶于酬應故不敢懸壺以完吾璞

一診病必詳問病因參以色脉務得其表裏虛實不敢少存率畧

一立方不拘大小奇偶必法古而不滯于古務期當理中病

一用藥不取隱僻奇異之品用引不過借以引經不學時  
習多選新奇希貴之物以標異邀名作難文過

一病有萬變治亦有萬變非具聖明之質不能盡徹其微  
予或心有疑似即使就正明哲不敢苟且誤人

不治五則

一貪欲無度怪僻反常者不治

一有挾自任輕醫試藥者不治

一病家亂雜疑忌多端者不治

一家人怨詈與病人違忤者不治

一不守醫戒陽奉陰違者不治

凡此五者皆由人作苟自知所病不治亦治明者鑒之